



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Nobile Certamen Sanctissimi Protomartyris Stephani; qui passus est 26.
Decembris: Septimo ab Ascensione Domini Me[n]se. Anno 18. Tiberij Imp.

urn:nbn:de:hbz:466:1-42787

NOBILE CERTAMEN SANCTIS-
simi Protomartyris Stephani; qui passus est 26.
Decembris: Septimo ab Ascensione Domini mē-
se. Anno 18. Tiberij, Imp.

Vide C. Ba-
ron. *Annal.*
Tom. 1. anno
Christi 34.
& *Not. in*
Martyr.
Rom.
26. Decē.

STEPHANVS diuini spiritus gratia miri-
ficè repletus, primus Diaconorum Chri-
stianorum omnium, primus inuestiam ab
ipso Christo in mundum fidem, præclaro san-
guinis sui testimonio consignauit. Vndè autem
necis eius oborta fuit occasio S. Lucas in actis
Apostolorum docet; qui nobile eius certamen
& triumphum egregium exactè conscripsit.
Postquam enim vehemens è cælo spiritus à
Christo missus, sacra Apostolorū pectora stu-
pendo planè & vocis & linguæ miraculo im-
pleuerat, continuo ad fidei & Sacrosancti E-
uangelij semina dispergenda se contulerunt.
Cumque ex omni, quæ sub cælo est, natione
Hierosolymis degerent, rei que nouitate com-
moti, ad concionem confluerent, stupore sa-
nè repleti sunt, quod homines rudes & idioras
omnium idioma proferre audirēt. Quarè Pha-
risæi & proprijs aurib. fidè derogantes, & eos
qui rei tam admirandæ stupore tenebantur, ir-
ridentes, ex musto mentis quendam furorem,
Apostolos haussisse calumniati sunt. Petrus ve-
rò diuini verbi calore accensus, vno orationis
actu, tria animarū millia piscatus est: & insig-
ni insuper miraculo claudi ad Speciosam tem-
pli portam integræ sanitati restituti, Ecclesiā
incredibili accessione cumulauit: prorsus vt
iam indè plurimum opera, qui gratiæ ministra-
rent, indigeret.

Act. 6. 7. 8.
Act. 2.

En admi-
rabilem Sancti
spiritus ope-
rationem.

Eximius
fructus con-
cionis D.
Petri.

Act. 3.

Ddd 5

Igitur

*S. Stephani
Primordia.*

Igitur Spiritus sanctus ad communem Apostolorum operam promouendam, Stephanum admirabili sapientia & gratia virum aduocauit. Qui signis & stupendis rerum factis omnium in se ora conuertit; & pios quidem ad Christi confessionem perduxit: impios vero odio & ira furentes in se concitauit.

Erant Hierosolymis omnium Iudæorum metropoli collegia, in quibus erudiebantur adulescentes, qui ex diuersis prouincijs confluabant, ut diuinam legem addiscerent: Græcorum vero scientias vel nationum linguas haud licuisse publicè tradi Iosephus testatur. Erat Stephanus vnus ex illis, & cum illis eodem usus fuerat legis magistro Gamaliele; cumque Christi fidè liberè fortiterque annunciaret, ac eà miraculis consignaret, cū sodalium omnium ac condiscipulorum, tum præsertim Sauli Tharsensis synagogæ eorum qui erant è Cilicia facile principis in se impetum mouit. Incentor enim omnium esse visus est Saulus, quod ipse in Iudaismo profecisset præ cæteris coetaneis suis, paternarum traditionum abundantius æmulator existens: qui nec à cœpto destitit, donec eundè lapidibus obrutū, sicque iā esse cognouisset extinctum. Sed æquum est ut inuicti Martyris certamen, quo aduersus fidei hostes Alexandrinos & Libertinos, & Cyrenæos, aliosque ex omni parte homines impietate conspirantes decertauit, inspiciamus. Cū nullis vel argumentis vel fraudibus diuini Spiritus vi, qui in Stephano operabatur, resistere valerét, falsis eum criminibus oppugnare constituunt. Ac primò quidè execrandæ in Deū & Mosen blasphemix

*Antiq. lib.
20. cap. vlt.
Lucia. epif.
de Inuent.
S. Stephani.*

*Paul. ad Gal.
cap. 1.*

*Falso accusatur
Stephanus.*

phemia apud populum eum insimulant: deinde multa aduersus locū sanctum & sacra eorū instituta differuisse calumniati sunt. Stephanus autē diuino quodam claritatis lumine circumfusus, longa orationis serie à sacro petita eloquio, Christum eiusq; gratiam eis aperuit: & inflammato spiritu perfidiam & in instituto scelere pertinaciam exprobrauit. Illi verò immani & ferina quadam rabie debacchantes dissecabantur cordibus & dentium stridore insutum animis furorem testabantur. Sed animi & prudentiæ magnitudine excellens Stephanus, furori illorum patientiam opponebat, beneuolentiam odio; minis mortis contemptionē: terrori vitæ despicientiā. Cumque perfidi Iudæi, & in scelere pertinaces, toto animo ad eadē spectarēt, ille admirabili charitatis ardore incensus, nunc eos ut fratres intuēs, nūc ut patres demulcens, omnem eorū rabiem facile superabat. Sed cū nec si quidem excellēs eius in omni genere virtus immanem eorum crudelitatem frangere posset, tota mente Deo intentus, cum esset plenus Spiritu sancto, ecce, inquit, video cælos apertos, & Christū diuinitatis gloria mirabiliter fulgentem à dexteris virtutis Dei causæ nostrę patrociniō fungentē adspicio. Illi verò accepta hac voce, obstructis auribus, in eū consurgunt; & valido cum impetu atque clamore è synagoga eijciūt: festinantesq; & suæ crudelitati, & Stephani desiderio finē imponere densissimō lapidū imbre illum obruūt. Sed quid interim Stephanus? Quib. armis tantā eorū sauciā repulit? Certē non alijs, quā quibus ipse Christus Dominus Crucifigē-

*Purgat se S.
Stephanus.*

*Stephanū
eximia vir-
tutes.*

*Stephanus
videt Chrī-
stum.*

*Lapidibus
obruitur.*

con-

confixus suorum inimicorum rabiem repre-
fit. De corporis enim Salute nihil omnino so-
licitus, primò quidem per breui oratione su-
domino animam comendans exclamauit: Do-
mine suscipe spiritum meum. Dein ardentiori
pietatis studio pro lapidantium se salute de-
precans, positus, summa cum reuerentia humi-
genibus, Domine, inquit, ne statuas illis hoc
peccatum. Quæ cum voce magna & pietate
plenissima exorasset, in dulcem mortis solu-
tus soporem placidè quieuit.

*Orat pro la-
pidaibus se.*

*Obdormit in
Domino.*

*Locus ubi
passus est
Stephanus.*

Locus verò, in quo sanctus protomartyr
confessione Christi occubuit, non integro
dio Hierosolymis distabat; quem Eudoxia Au-
gusta nobilissimæ ecclesiæ fabrica egregie il-
lustrauit; situsque erat extra portam qua
vergebat ad Aquilonem, & ducebat ad Ce-
dar, quæ postea S. Stephani nomine appella-
ta fuit: alio nomine porta Ephraim di-
cta. Lapis verò, super quem positus lapidum
suscepit imbres, in Ecclesiam Apostolorum ad
montem Sion positam translatus, magna ve-
neratione est habitus. Porrò vnus ex lapidi-
bus, quo idem protomartyr percussus est, à
quopiam Christianorum collectus Anconam
Italiae ciuitatem translatus est: ibidemque ea
de causa, Ecclesia in honorem Martyris excita-
ta: in qua eius memoriam annua celebritate a-
gi consueuisse, antiqua testantur Martyrolo-
gia. Ibi verò quantis eius sanctitas, & gloria,
qua in cælis fruitur, coruscauerit miraculis:
satis superque declarat Augustinus qui vnus suf-
ficiens est ad hæreticorum calumnias recudendas.
Cæterum sacrum eius corpus sepulture com-
mitti

*a Serm. 31.
Or. 32. de di-
uersis.*

nitti statim non potuit, obstantibus Iudæis; quam die nocteque sub dio expositum custodiebāt, ut à feris & volucris cōsumeretur. Sed Christo protectore intactum planè atque illegitimum permāsit; donec Gamaliel collectos quoscunque potuit, Christianos occultè submisit: qui rebus omnibus ad sepulturam necessarijs egregiè instructi, sublatum vehiculo ad villā Caphargamalā (quod interpretatur villa Gamalielis) deportarunt: vbi summa funeris magnificentia, in Orientali theca in nouo monumento ipsius Gamalielis conditum fuit.

*Gamaliel
corpus S.
Protomarty-
ris sepeliri
curat.*

De inuentione reliquiarum eius ac sociorum quaeratur Lector tom. 3. die. 3. Augusti. De miraculis verò multa sunt apud Augustinum & Eudodum episcopum qua nimis longum foret hic adscribere.

VITA S. IOANNIS APOSTOLI ET

*Vide 1 & 2.
Tom C. Ba-
ron. & Not.
ad Martyr.
Rom.*

Euangelistæ: Ex probatissimis antiquorum patrum scriptis, ad censuram Illustrissimi Baron. redactis: Obijt anno Domini 101. Clementis Papae nono, Traiani Imp. 2.

IOANNES Iacobi Apostoli, quem a Herodes gladio interficiendum curauit, frater, Zebedæo patre natus est. Is à Christo vnà cum Iacobo fratre, cum in mare Galileæ piscatores retia reficerent, vocatus, statim relicto patre, rebusque omnibus, se in illius disciplinam tradidit. Licet enim nobilitate generis multis conspicuus & ea propter ipsi etiā Pontifici notus fuisse dicatur, Euangelistæ tamen testi-

*27. Decē.
a Act. 12.
Patria eius.
Ioannes fuit
nobilis.
Hieron.
Epist. 6.
testi-*